

西安碑林全集

開成石經

第一八二卷
論語



《論語》

《論語》約成書於戰國初年，爲孔子及孔子弟子的言論行事記錄，是後人在採輯孔門弟子及再傳弟子的有關記載的基礎上編纂而成的，爲儒家經典之一。全書共二十篇，四百九十二節。

《論語》是儒家創始人孔子的言行實錄及儒家思想的集中體現。通過它，以獲得分析春秋時期社會性質的重要資料，同時也可以得到研究前期儒家思想的豐富材料。《論語》的古注本很多。三國時魏人何晏注《論語》，盛行一時，唐刻即依何晏注。南宋淳熙年間，朱熹以《論語》、《孟子》、《大學》、《中庸》合爲四書，并作集注。明清科舉皆取朱注，集注本遂成爲封建士人獲取功名的必讀書。作爲最重要的儒家典籍之一，《論語》在政治、哲學、教育、思想等諸多方面對後世都有深遠的影響。

『開成石經』中的《論語》刻於第二百一十五面至第二百二十二面石上，共一萬六千五百零九字。

（岳紹輝）

論語序

叙曰漢中壘校尉劉向言
魯論語十篇皆孔子弟子
記諸善言也大子大傳夏
侯勝前將軍蕭望之丞相

韋賢及子玄成等傳之齊
論語廿二篇其廿篇中章
句頗多於魯論琅邪王卿
及膠東庸生昌邑中尉王
吉皆以教授故有魯論有
齊論魯共王時嘗欲以孔

子宅爲宮壞得古文論語
齊論有問王知道多於魯
論二篇古論亦無此二篇
分堯曰下章子張問以爲
一篇有兩子張凡廿一篇
扁次不與齊魯論同安昌

侯張禹本受魯論兼講齊
說善者從之號曰張侯論
爲世所貴包氏周氏章句
出焉古論唯博士孔安國
爲之訓解而世不傳至順
帝時南郡太守馬融亦爲

之訓說漢末大司農鄭玄
就魯論篇章考之齊古爲
之註近故司空陳羣大常
王肅博士周生烈皆爲義
說前世傳受師說雖有異
同不爲訓解中間爲之訓

解至於今多矣所見不同
互有得失今集諸家之善
記其姓名有不安者頗爲
改易名曰論語集解光祿
大夫關內侯臣孫邕光祿
大夫臣鄭冲散騎常侍中

領軍安鄉亭侯臣曹義侍
中臣荀顗尚書駙馬都尉
關內侯臣何晏等上
學而第一何晏集解
子曰學而時習之不亦說
乎有朋自遠方來不亦樂

乎人不知而不愠不亦君
子乎有子曰其爲人也孝
弟而好犯上者鮮矣不好
犯上而好作亂者未之有
也君子務本本立而道生
孝弟也者其爲仁之本與

子曰巧言令色鮮矣仁曾
子曰吾日三省吾身爲人
謀而不忠乎與朋友交而
不信乎傳不習乎子曰道
千乘之國敬事而信節用
而愛人使民以時子曰弟

子入則孝出則弟謹而信
汎愛衆而親仁行有餘力
則以學文子夏曰賢賢易
色事父母能竭其力事君
能致其身與朋友交言而
有信雖曰未學吾必謂之

學矣子曰君子不重則不威學則不固主忠信無友不如己者過則勿憚改曾子曰慎終追遠民德歸厚矣子禽問於子貢曰夫子至於此邦也必聞其政求

之與抑與之與子貢曰夫
子溫良恭儉讓以得之夫
子之求之也其諸異乎人
之求之與子曰父在觀其
志父沒觀其行三年無改
於父之道可謂孝矣有子

曰禮之用和爲貴先王之
道斯爲美小大由之有所
不行知和而不知禮節
之亦不可行也有子曰信
近於義言可復也恭近於
禮遠耻辱也因不失其親

亦可宗也子曰君子食無
求飽居無求安敏於事而
慎於言就有道而正焉可
謂好學也已子貢曰貧而
無諂富而無驕何如子曰
可也夫若貧而樂富而好

禮者也子貢曰詩云如切
如磋如琢如磨其斯之謂
與子曰賜也始可與言詩
已矣告諸往而知來者子
曰不患人之不知患不
知人也